

«ՎՐԱՍՏԱՆԸ» 100 ՏԱՐԵԿԱՆ Է

ՇՆՈՐՀԱՎՈՐԱՆՔ ԶՈՐԵԼՅԱՆԻ ԱՌԹԻՎ

(Սկիզբը՝ 1-ին էջում)

գլխավոր խմբագիր պարոն Վան Բայբուրթյանին, ով այսօր էլ գլխավորում է թերթի խմբագրությունը: Ես ներկայացնում եմ այն մունիցիպալիտետը, որը տարբեր ազգության մարդկանց համատեղ գոյակցության, միմյանց ավանդույթների ընկալման ու փոխհարգանքի հիմնալի օրինակ է, որը հազվա-

դեպ է հանդիպում:

Եվս մեկ անգամ շնորհավորում եմ «Վրաստան» թերթին եւ պարբերականի ստեղծագործական կազմին՝ լույս ընծայման 100-ամյակի առիթով եւ մաղթում հաջողություններ:

ԱՄԻՐԱՆ ԳԻՐՈՐԳԱՅԵ
Մառնուլիի մունիցիպալիտետի սակրեբուլոյի նախագահ

ՇՆՈՐՀԱՎՈՐԱԿԱՆ ՈՒՂԵՐԶ 100-ԱՄՅԱ «ՎՐԱՍՏԱՆԻՆ»

(Սկիզբը՝ 1-ին էջում)

Թբիլիսիի Պետրոս Աղամյանի անվան պետական հայկական դրամատիկական թատրոնի տնօրեն աշխատելու ժամանակ ինձ բախտ վիճակվեց մտերմանալ «Վրաստան» թերթի գլխավոր խմբագիր Վան Բայբուրթյանի հետ, ով առասօ, անխափան ու անդալաճան գլխավորում է թերթի խմբագրությունը: Մեր միջեւ ծեւավորվեցին վստահելի, անկեղծ, մարդկային եւ աշ-

խատանքային հարաբերություններ, ու հաճախ թերթի գլխավոր խմբագրի նախաձեռնությամբ պարբերականի էջերում սկսեցին լուսաբանվել մեր թատրոնի կարեւորագույն իրադարձությունները՝ առաջնախաղերը, համերգները, ազգի մեծերին նվիրված միջոցառումները...


Հարգելի պարոն Վան, շնորհավորում եմ Ձեզ եւ «Վրաստան» թերթի խմբագրական զանգին նշանակալից հոբելյանի առիթով, մաղթում եմ բարգավաճում եւ ստեղծագործ-

ական նորանոր հաջողություններ, քաջառողջություն եւ անձնական բարօրություն խմբագրության յուրաքանչյուր աշխատակցին:

ԿԱՐՊ ՄՅԱՆԻԿՈՎ
Թբիլիսիի Պետրոս Աղամյանի անվան պետհայդրամայի թատրոնի 1988-1996թթ. տնօրեն, ներկայում՝ Մոսկվայի «Ռուսաստանի պետական ակադեմիական երիտասարդական թատրոնի» փոխտնօրեն

ԳՐԱԿԱՆ ԸՆԹԵՐՑՈՒՄՆԵՐ

...ՈՒ ՆՈՐԻՅ ՄԵԾԱՐԵՅԻՆ ԲԱՆԱՍԵՂԾ ՎԻԿՏՈՐ ՀՈՎՍԵՓՅԱՆԻ



Դեկտեմբերի 5-ին Վիկտոր Հովսեփյանի հարազատ Հեշտիա գյուղում գործող բանաստեղծի տուն-թանգարանի (Նիոնոմիդայի շրջան) եւ Վիրահայոց թեմի «Հովհաննես Թումանյանի տուն» գիտամշակութային կենտրոնի նախաձեռնությամբ Messenger հարթակում տեղի ունեցավ «Գրական ընթերցումներ» խորագրով հանդիպում՝ նվիրված գրողի ստեղծագործությանը:

դասական Տերենտի Գրանելու եւ Վիկտոր Հովսեփյանի բանաստեղծությունները: Տ.Գրանելին գրքում ներկայացվում է Վիկտոր Հովսեփյանի թարգմանությամբ, Վ.Հովսեփյանը վրացերեն՝ Գիվի Շահնազարի եւ Մաղվալա Գոնաշվիլու թարգմանությամբ:

Հանդիպմանը ներկաներին իր օրհնությունը հղեց Վիրահայոց թեմի նախկին առաջնորդ, Մայր Աթոռ Սուրբ Էջմիածնի եկեղեցական հայեցակարգային հարցերի գրասենյակի տնօրեն Գերաշնորհ Տեր Վազգեն եպիսկոպոս Միրզախանյանը:

Վիկտոր Հովսեփյանի գրական ժառանգության մասին խոսեցին գրականագետներ Արգար Ափինյանը (Երեւան), Էմմա Ախտյանը (Թբիլիսի): Թբիլիսիի Պ.Աղամյանի անվան պետհայդրամայի թատրոնի գեղարվեստական ղեկավար Արմեն Բայանդուրյանը, Հայաստանի եւ Ռուսաստանի գրողների միության անդամ Նաիրա Սիմոնյանը, գրող, թարգմանիչ Պավել Չերեպանին, Վիրահայոց թեմի մամլո եւ լրատվության բաժնի ղեկավար Սուսաննա Խաչատրյանը, «Հովհաննես Թումանյանի տուն» կենտրոնի գիտաշխատող Գոհար Մազմանյանը: Ասմունքով հանդես եկան Վիկտոր Հովսեփյանի թույրը՝ Լիդա Հովսեփյանը, բանաստեղծի եղբոր թոռնուհին՝ Մարիա Հովսեփյանը:

Հանդիպմանը մասնակցում էին Նիոնոմիդայի շրջանային ժողովի նախագահ Վահան Արոյանը, Իվ.Ջավախիշվիլու անվան Թբիլիսիի պետական համալսարանի դասախոս Ջոյա Մխիթարյանը, Նիոնոմիդայի շրջանային «Արշալույս» թերթի խմբագիր Լուսինե Վարդանյանը, Նիոնոմիդայի «Նոր» տեղեկատվական հարթակի լրագրող Մարտին Արոյանը եւ ուրիշներ:

Ընթերցվեց Նիոնոմիդայի քաղաքապետ Անի Սոսոյանի ողջույնի խոսքը: Բանաստեղծ, պատմաբան Աղասի Գեղորգյանը Էմմա Ախտյանի միջոցով մասնակցներին փոխանցեց իր ողջույնը եւ Վ.Հովսեփյանի «Ութ իմաստունները» պոեմին տված իր բարձր գնահատականը:

Հանդիպման վերջում մասնակցները կարդացին հատվածներ Վիկտոր Հովսեփյանի բանաստեղծություններից:

Նույն օրը Հեշտիա գյուղի Սուրբ Աստվածածին եկեղեցում առավոտյան պատարագին գյուղի հոգեւոր հովիվ Տեր Անտոն քահանա Անտոնյանը բարեխոսական աղոթք էր բարձրացրել Վիկտոր Հովսեփյանի հոգու հանգստության համար:

ՍԵՂԱ ԱՐՈՎՅԱՆ

ԵԿԵՂԵՑԱԿԱՆ

ՎԻՐԱՄՅՈՅ ԹԵՄԻ ԱՌԱՋՆՈՐԴ ՄՈՍԿՎԱՅՈՒՄ ՄԱՍՆԱԿՅՅՈՒՄ «IX ԳԻՏԱԿԱՆ ԸՆԹԵՐՑՈՒՄՆԵՐ» ԳԻՏԱԺՈՂՈՎԻՆ

2021 թվականի նոյեմբերի 17-ին Մոսկվայի Անդրեյ Ռուբլովի անվան հին ռուսական մշակույթի եւ արվեստի կենտրոնական թանգարանում բացվեց ամենամյա «IX գիտական ընթերցումներ. Ռուսաստան, Վրաստան, Քրիստոնեական Արեւելք» գիտաժողովը:

«Հոգեւոր եւ մշակութային կապեր» խորագրով ժողովը նվիրված էր թանգարանի հիմնադիր եւ առաջին տնօրեն Դ.Արսենիշվիլու (1905-



1963) հիշատակին:

Միջոցառմանը մասնակցում էին Վրաց Ուղղափառ եկեղեցու Ախալքալաքի, Գումբուրդի եւ Կարսի միտրոպոլիտ Նիկոլոզ Փաշուաշվիլին եւ Հայ Առաքելական Ուղղափառ Սուրբ եկեղեցու Վիրահայոց թեմի առաջնորդ Տեր Կիրակոս վարդապետ Դավթյանը:

Գիտաժողովին «Հայ եւ վրաց եկեղեցիները միավորված են Քրիստոսով եւ քարոզում են Հիսուսի կենդանարար խոսքն ու վարդապետությունը» բանախոսությամբ հանդես եկավ Տեր Կիրակոս վարդապետ Դավթյանը: Վերջինս ներկայացրեց Վիրահայոց թեմի պատմությունը՝ Վրաստանի հայերի հոգեւոր-մշակութային ակտիվ կյանքը 4-րդ դարից սկսած մինչեւ մեր օրերը:

Մոսկվայում Վրաստանից ժամանած հյուրերին ընդունեց Հայ Առաքելական Սուրբ եկեղեցու

Ռուսաստանի եւ Նոր Նախիջեւանի թեմի առաջնորդ Տեր Եգրաս արք. Ներսիսյանը: Թեմերի առաջնորդները փոխանակեցին հուշանվերներ:

Նոյեմբերի 19-ին Հայ Առաքելական Սուրբ եկեղեցու հանդիսությունների դահլիճում կայացավ ռեժիսոր Հենրիկ Մալյանի «Նահապետ» գեղարվեստական ֆիլմի ցուցադրությունն ու քննարկումը: Միջոցառումը բացեց Վիրահայոց թեմի առաջնորդը:

Հավարտ միջոցառման, Տեր Կիրակոս վարդապետը շնորհակալություն հայտնեց հյուրերին եւ ներկաներին ֆիլմի բարձր գնահատման եւ հայ ժողովրդի պատմության նկատմամբ ցուցաբերած մեծ հետաքրքրության համար:

Նոյեմբերի 21-ին վրաստանցի հյուրերը վերադարձան Թբիլիսի:

ՍՈՒՍԱՆՆԱ ԽԱԶՍՏՐՅԱՆ

ԽՄԲԱԳՐՈՒԹՅԱՆ ՓՈՍՏԻՑ

ՈՒՉՈՒՄ ԵՄ ՊԱՏՄԵԼ ԴԵՐԵՆԻԿ ՊԱՊԻՍ ՄԱՍԻՆ

Ես ուզում եմ պատմել Դերենիկ պապիս մասին: Նա աշխարհի ամենալավ մարդկանցից մեկն է, ու թեւեւ մեծ է, բայց մենք հրաշալի ընկերներ ենք ու հաճախ ենք զրուցում տարբեր-տարբեր հարցերի շուրջ:

- Հրաշալի մարդ է,- ասում են նրա մասին,- որովհետեւ ամբողջ կյանքում բարիք է արարել ու չի դառնացրել ոչ մեկին:

Բարություն, իհարկե, բարություն, հենց սրանում է իմ Դերենիկ պապի հմայքը: Նա ամսահամա բարի է, եւ մարդիկ միշտ լավ են զգում նրա կողքին: Ահա թե ինչու, նրանից ստացած տպավորությունը միշտ հաճելի է լինում: Ժամանակին նա սովորել է Հայաստանի Ստեփանավան քաղաքի գյուղատնտեսական քոլեջում: Ավարտելուց հետո՝ իր ամբողջ եւթամյա կապվել մայր հողին: Նախ Փոքր Արագայում է իր գործունեությունը ծավալել: Հետո ընտանիքով տեղափոխվել է Սպասովկա գյուղը եւ մոտ երեք տասնամյակ հողի հետ ու հողից անբաժան է նա:

- Հողի նկատմամբ իմ սերը մանկուց է գալիս,- դպրոցական տարիներից ասում է պապս: - Հողը նման է պարտաճանաչ ավանդապահի, իրեն պահ տվածը տաս-

նապատիկ կվերադարձնի, եթե չես խնայում ուժերդ, աշխատանքդ եւ, որ ամենակարեւորն է, սիրով ես վերաբերվում նրան:

Նա շատ բան է տեսել կյանքում եւ շատ գիտի, բայց երբեք չի պարծենում ու, երբ մի նոր բան է լսում, զարմանում է երեխայի պես:

- Հողն իմ ամենալավ բարեկամն է,- ասում է նա: Տխրում է, որ հողի սիրահարների թիվը գնալով պակասում է: - Հողն է մարդու ամենամեծ ուսուցիչը: Հողը սովորեցնում է ապրել, մաքառել, միայն կարողանաս հասկանալ նրան:

Պապս գյուղում բարի անում ունի: Լռակյաց է, ինքնամփոփ: Վեճերին երբեք չի մասնակցում: Իր գրույցն անընդհատ հողի հետ է: Հողի մեջ յուրօրինակ խորհուրդ է գտնում: Նա իր հողը այնպես է մաքրում, որ քարի մի կտոր, մոլախոտի մի ծիլ անգամ չես գտնի: Դերենիկ պապս միշտ հողի հետ է, որովհետեւ հողի շունչն

իր սրտի հետ համաչափ է բաբախում:

Վերջերս պապիս հետ գնացինք մեր կարտոֆիլի ցանքատարածք: Ժպտում էր ու բահն ուսին քայլում տարածք տանող ճանապարհով: Եվ այսպես՝ արդեն 30 տարի: Ասում են՝ մեր հանդերի յուրաքանչյուր թուփ ու ծառ ծանոթ ու հարազատ են նրան, իսկ ինքը՝ մեր գյուղի բոլոր մարդկանց համար:

...Հողը ճաք էր տվել: Հողի ճաքած ակոսների մեջ գլգլալով ջուր էր լցվում: Ակոսները հողի երակներն են, ջուրը՝ նրա ավիշն ու կենդանությունը: Պապակ, շոգից ծառաված կարտոֆիլի ցանքատարածքը կլանում էր ջուրը: Պապս երգում էր ու ձեռքի բահով ճամփա բացում ջրի համար: Սեւահողը նրա կոշտացած մատների մեջ փշրվում էր, թափվում: Իսկ երբ մի օր հոգնի, հանգիստ խղճով կգնա եւ կծնվի մայր հողին, նրա գրկում կհավերժանա:

Իրիկնադեմին վերադառնում ենք տուն:



ճանապարհին լուռ լսում են նրա համով-հոտով խոսքն ու զրույցը: Եվ ինձ ավելի հարուստ են գուցե:

Ի՜նչ լավ է, որ իմ Դերենիկ պապի նման լավ մարդիկ կան իմ շրջապատում:

ՔՆԱՐԻԿ ԲԱՍԵՆՅԱՆ

Օրլովկայի հանրային դպրոցի 8-րդ դասարանի աշակերտուհի Նիոնոմիդայի մունիցիպալիտետ

COVID - 19. ՌԷՎԱԴՐՈՒԹՅՈՒՆ, ՌԷՎԱԴՐՈՒԹՅՈՒՆ

ՆՈՐ ՄՊԱՌԵԱԼԻՔ. ՎՐԱՍՏԱՆՈՒՄ ԱՌԿԱ Է ՏՎԻՆԴԵՄԻԱՅԻ

ՊԱՇՏՊԱՆԻՉ ԴԻՄԱԿ ԿՐԵԼՈՒ ԱՄՈԹԱԼԻ ՑՈՒՑԱՆԻՇ ՈՒՆԵՆՔ

(Սկիզբը՝ 1-ին էջում)

Վրաստանի իշխանությունները եւ համաճարակաբանները միաձայն խոսում են կորոնավիրուսի դեմ պատվաստումների անհրաժեշտության մասին:

- Իրադրությունը շարունակում է մնալ բարդ: Դա պատվաստումից հրաժարվելու եւ հանձնարարականները չկատարելու արդյունք է: Տվյալները հավանականությունն առկա է, քանի որ շրջանառվում է նաեւ սեզոնային գրիպի վիրուսը... Անհրաժեշտ է ժամանակին ընդգրկվել իմունացման գործընթաց՝ մահացու հետեւանքից խուսափելու համար,- ասաց իվանդությունների վերահսկման ազգային կենտրոնի գլխավոր տնօրեն Ամիրան Գամդրելիձեն:

Նրա խոսքով, բոլոր այն ցուցանիշները, որոնք բնութագրում են համաճարակային զարգացումը, դեռեւս բարձր են մեր երկրի համար:

- Ամենացավալի ցուցանիշը՝ մահացությունը փոքր-ինչ նվազել է, բայց մեզ նման փոքր երկրի համար օրական 46 մահը բավական շատ է,- մշեց Ամիրան Գամդրելիձեն հավելելով, որ կարելի է պահպանել կանոնակարգերը, որոնցից գլխավորը պաշտպանիչ դիմակ կրելն ու սոցիալական հեռավորությունն են:

- Պետք է բարձրացնենք պաշտպանիչ դիմակ կրելու մակարդակը թե բաց, թե փակ տարածքներում, մենք ունենք պաշտպանիչ դիմակ կրելու ամոթալի ցուցանիշ՝ 28 տոկոս, դա շատ վատ է: Այնինչ, պաշտպանիչ դիմակը կարելի էր գեներելից մեկն է: Իհարկե, գլխավորը պատվաստումներն են: Հատկապես վերջին երկու շաբաթում ավելացել է ամեծությամբ պատվաստումների թի-



վը: Միանշանակ, այս գործընթացը խթանեցին երկու կարևոր նախաձեռնությունները՝ 200 լարիի տրամադրումը 60-ից բարձր բնակչության համար, ինչպես նաեւ «Կանաչ անձնագրի» ներդրման հայեցակարգը, բայց դա բավարար չէ: Աշխատանքային օրերին գրանցվում է 11-13 հազար պատվաստում, սակայն համավարակը վերացնելու համար մեզ անհրաժեշտ են օրական 2-3 անգամ ավելի շատ պատվաստումներ,- ընդգծեց Ամիրան Գամդրելիձեն:

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ՄՈՏԵՆՈՒՄ Է 269 ՄԻԼԻՈՆԻՆ

COVID-19-ի հաստատված դեպքերի թիվն աշխարհում հասել է 268 901 803-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 5 306 375-ը: Ապաքինվել է 242 027 677 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 50 535 791 դեպք: Այստեղ մահացածների թիվը 815 269 է, երկրորդ տեղում Հնդկաստանն է, որտեղ հաստատված դեպքերի թիվը հասել է 34 674 744-ի, մահացածներինը՝ 474 735-ի:

Վարակվածների թվով հաջորդ տեղում Բրազիլիան է: Այստեղ վարակվել է 22 177 059, մահացել՝ 615 504 մարդ: Մեծ Բրիտանիայում կորոնավիրուսով վարակվել է 10 660 981, վարակի հետեւանքով մահացել՝ 146 135 մարդ: Մեծ Բրիտանիային հաջորդում են Ռուսաստանը, Թուրքիան, Ֆրանսիան, Գերմանիան, Իրանը ու Արգենտինան:

Հայաստանում, ընդհանուր առմամբ, վարակվածների թիվը հասնում է 342 115-ի, մահացածներինը՝ 7 767-ի, ապաքինվածներ-

րինը՝ 324 224-ի: Ադրբեջանում վարակվածների թիվը 602 137 է: Վարակից մահացել է 8 055, ապաքինվել՝ 573 034 մարդ:

Վրաստանում, վերջին տվյալներով, վարակվել է 882 822, մահացել՝ 12 631, ապաքինվել՝ 825 442 մարդ:

Դեկտեմբերի 10-ին կորոնավիրուսով վարակման 3 454 նոր դեպքերից 1 575-ը Թբիլիսիում է, Աջարիայում՝ 148, Իմերեթիում՝ 543, Քվեմո Քարթլիում՝ 226, Շրղա Քարթլիում՝ 280, Գուրիայում՝ 93, Սամեգրել-Ջեմո Սվանեթիում՝ 236, Կախեթիում՝ 166, Սջխեթա-Սթխանեթիում՝ 86, Ռաճա-Լեչխումիում եւ Քվեմո Սվանեթիում՝ 17, Սամցխե-Ջավախեթիում՝ 84:

Դեկտեմբերի 10-ի տվյալներով մահացել է 449 մարդ:

ՎԱԹՍՈՒՆ ԱՆՉ ԲԱՐԱՔԱՅԻՆԵՐ, ՈՒԶՈՒՄ ԵՔ ՄՏԱՆԱԼ 200 ԼԱՐԻ ՆՎԵՐ, ՈՒՐԵՄՆ, ՄԻՆՉԵՎ ԸՆԹԱՅԻԿ ՏԱՐՎԱ ԴԵԿՏԵՄԲԵՐԻ 31-Ը ՊԱՏՎԱՍՏՎԵՔ ԿՈՐՈՆԱՎԻՐՈՒՄԻ ԴԵՄ ԱՌԱՋԻՆ ԴԵՐԱՉԱՓՈՎ ԵՎ ՄՏԱՅԵՔ 200 ԼԱՐԻ ՀԱՎԵԼԱՎՃԱՐ. ԴԻՄԵՔ ՊԱՏՎԱՍՏՄԱՆ ԿԵՏԵՐ, ԻՍԿ ՆԱԽՆԱԿԱՆ ԳՐԱՆՅՄԱՆ ՀԱՄԱՐ ԶԱՆՊԱՀԱՐԵՔ 1522 ՀԵՌԱՆՈՍԱՀԱՄԱՐԻՆ ԿԱՍ ԱՅՅԵԼԵՔ BOOKING.MOH.GOV.GE ԿԱՅՔ

ԻՆՉ Է ՊԵՏՔ ԻՄԱՆԱԼ «ԿԱՆԱՉ ԱՆՁՆԱԳՐԻ» ԵՎ ԴՐԱ

ՕԳՏԱԳՈՐԾՄԱՆ ԳՈՐԾԱՌՆԱԿԱՆ ՀՐԱՅԱՆԳՆԵՐԻ ՄԱՍԻՆ



Խնդրադրության փոստով շարունակվում է մամակների հոսքը, որտեղ մեր ընթերցողները հարցեր են հղում «Կանաչ անձնագրի», որա ժամկետի, օգտագործման վերաբերյալ: Ստորև ներկայացնում ենք այն հիմնական հարցերի պատասխանները, որոնք հատկապես են հետաքրքրում մեր ընթերցողներին:

Նախ մշենք, որ դեկտեմբերի 1-ից հաճախորդները «կանաչ» կարգավիճակի դեպքում կարող են այցելել հետեւյալ օբյեկտներ. հյուրանոցներ եւ այլ կացարաններ, սննդի օբյեկտներ (ռեստորանների, սրճարանների, բարերի բաց եւ փակ տարածքներ, այդ թվում՝ առևտրի կենտրոններում գործող սննդի կետեր), կինոթատրոններ, թատրոններ, համերգասրահներ, օպերային թատրոններ, ժամանցի օբյեկտներ, խաղատներ եւ խաղասրահներ, սպա եւ ֆիթնես սրահներ, լեռնադահուկային հանգստավայրերի ճոպանուղիներ:

Մինչեւ 18 տարեկան անձանց համար «կանաչ» կարգավիճակ ունենալը պարտադիր չէ:

- Ո՞վ է «կանաչ» կարգավիճակ ունեցող անձը:

- «Կանաչ» կարգավիճակ տրվում է լիովին պատվաստված կամ 72-ժամյա վավերականության բացասական PCR թեստ ունեցող կամ 24-ժամյա վավերականության բացասական հակազենիկ արագ թեստի պատասխան ունեցող, ինչպես նաեւ կովիդն անցկացրած անձին (եթե անձին տրվել է «կանաչ» կարգավիճակ՝ հիմնվելով PCR-ի կամ հակազենիկ արագ թեստի վրա, ապա «կանաչ» կարգավիճակը կդադարեցվի թեստի ժամկետը լրանալուն պես):

- Ե՞րբ է մարդուն «կանաչ» կարգավիճակ տրվում:

- «Կանաչ անձնագիրը» տրվում է պատվաստման երկրորդ չափաբաժնից հետո, բացասական PCR եւ անտիգեն թեստի արդյունքը ստանալուց հետո (լաբորատորիայի կողմից բեռնելուց հետո), կովիդի հաստատումից 14 օր անց:

- Ի՞նչ է «Կանաչ անձնագիրը»:

- CovidPass Georgia - հավելվածում գրանցման ճանապարհով ստացած QR կոդը կամ moh.gov.ge - կայքում գրանցման ճանապարհով ստացված QR կոդը կամ Վրաստանի պատվաստումների կենտրոններում, կլինիկաներում եւ Արդարադատության տանը

տրված փաստաթղթի QR կոդը կամ Եվրամիության անդամ երկրների եւ EU Digital COVID Certificate համակարգում ինտեգրված այլ երկրների պաշտոնական գերատեսչության կողմից տրված փաստաթղթի QR կոդը կամ էլեկտրոնային եղանակով հատկացված QR կոդը (EU Digital COVID Certificate համակարգում ներկայումս ինտեգրված է 51 երկիր): Վրաստանի եւ արտերկրի քաղաքացիները, ովքեր պատվաստվել կամ թեստ են անցել արտերկրում, կարող են «կանաչ» կարգավիճակ ստանալ միայն սահմանը հատելուց հետո (անկախ նրանից, թե երբ են նրանք հատել սահմանը) CovidPass Georgia հավելվածում, կամ moh.gov.ge - կայքում գրանցման ճանապարհով (վավերացման կոդը կարող էք ստանալ վրացական բջջային հեռախոսահամարին կամ էլ. հասցեին):

- Ի՞նչպե՞ս վավերացնել «Կանաչ անձնագիրը»:

- «Կանաչ անձնագիրը» հնարավոր է վավերացնել CovidPass Georgia հավելվածի QR ընթերցողով կամ moh.gov.ge QR ընթերցողով, ընդ որում, ընթերցողից օգտվելու համար անհրաժեշտ է միայն ներբեռնել հավելվածը: Լրացուցիչ տվյալների մուտքագրում չի պահանջվում:

- Ի՞նչ տեղեկատվություն է ստանում վավերացնող՝ QR կոդը կարդալիս:

- QR կոդը կարդալիս բացվում է Վրաստանի քա-

ղաքացու դեպքում անձի լուսանկարը եւ անուն ազգանվան սկզբնատառերը, օտարերկրյա քաղաքացիների դեպքում՝ անձի անուն ազգանունը, ծննդյան տարեթիվը եւ փաստաթղթի համարը: Նաեւ՝ տեղեկատվություն, արդյոք, անձը համապատասխանում է «կանաչ» կարգավիճակին, որքա՞ն ժամանակվ է անձին տրվել «կանաչ» կարգավիճակ (թեստավորման դեպքում տեղեկատվություն կտրամադրվի, երբ անձի «կանաչ» կարգավիճակը լրանա):

- Ի՞նչպե՞ս է իրականացվում գործընթացի մոնիտորինգը, եւ ի՞նչ պատժամիջոցներ են նախատեսված խախտումների դեպքում:

«Կանաչ» կարգավիճակի իսկության մոնիտորինգը իրականացվում է Վրաստանի Աշխատանքի տեսչական ծառայության կողմից՝ ընտրության հիման վրա: Իսկ ինչ վերաբերում է պատժամիջոցներին, ապա «կանաչ» կարգավիճակ չունեցող անձին օբյեկտ թողնելու համար, պատասխանատվություն է կրում օբյեկտը: Օրենքը խախտելու դեպքում պատժամիջոցը իրավաբանական անձի համար կազմում է 10 000 լարի, անհատ ձեռնարկատիրոջ համար՝ 2000 լարի (կրկնվելու դեպքում օբյեկտը կնիքվում է):

- Ո՞ւր դիմել տեխնիկական թերության դեպքում:

- Տեխնիկական թերության բացահայտման դեպքում հնարավոր է կապվել Կառավարության միասնական թեժ գծով՝ 144, Առողջապահության նախարարության թեժ գծով՝ 1505, Պատվաստումների թեժ գծով՝ 1522, Վրաստանի զբոսաշրջության ազգային վարչակազմի թեժ գծով՝ 0800800909 եւ էլ. հասցեով՝ appsupport@ita.gov.ge:

ՕՏԱՐԵՐԿՐԱՑԻՆԵՐԸ «ԿԱՆԱՉ» ԿԱՐԳԱՎԻՃԱԿԸ ՀԱՍՏԱՏԵԼՈՒ ՀԱՄԱՐ ՆԵՐԿԱՅԱՑՆԵԼՈՒ ԵՆ ԻՐԵՆՑ ԵՐԿՐՈՒՄ ՏՐՎԱԾ ՀԱՄԱՊԱՏԱՍԽԱՆ ՓԱՍՏԱԹՈՒԴՈԸ

Օտարերկրյա քաղաքացիները «կանաչ» կարգավիճակը հաստատելու համար պետք է ներկայացնեն իրենց երկրում տրված համապատասխան փաստաթուղթը: Վրաստանի վարչապետ Իրակլի Դարիբաշվիլու կողմից ստորագրված որոշման համաձայն՝ www.covidpass.moh.gov.ge էլեկտրոնային հարթակում, CovidPass Georgia-ի եւ Եվրամիության թվային COVID վկայականի դիմումում ստուգվում է օտարերկրյա քաղաքացիների կողմից տրված «կանաչ» կարգավիճակը: QR կարգավիճակը տրվում է կամ ամբողջական պատվաստման կամ համապատասխան պաշտոնական գործակալության կողմից տրված բացասական PCR թեստի փաստաթղթի հիման վրա:

Խորագիրը պատրաստեց ԱՐԵՎԻԿԱ ՄԱՆՈՒԿՅԱՆԸ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՄՊԻԱՅՈՂ, ԲԱՅՅՈՒՆՈՐ ՕՐՍ ԶԱՎ ՈՒ ԿՍԿԻԾ ՊԱՏՃԱՌՈՂ ՎԵՐՔ

(Սկզբը՝ 1-ին էջում)

Երկրաշարժի ընդգրկեց Հայաստանի տարածքի մոտ 40 տոկոսը: Տուժեց 21 քաղաք եւ շրջան, 342 գյուղ: Լրիվ կամ մասնակի ավերվեցին Սպիտակ, Լեւոնական, Կիրովական, Ստեփանավան քաղաքները, Սպիտակի, Ախուրյանի, Գուգարքի, Արագածի, Կալինինոյի, Ստեփանավանի շրջանների հարյուրից ավելի գյուղեր ու բնակավայրեր:

Անօթեւան մնաց 514 հազար մարդ: Տարբեր աստիճանի վնասվածքներ ստացավ մոտ 20 հազարը, զոհերի թիվը կազմեց 25 հազար: Ձոհեր շատ են եղել հատկապես Գյումրիում՝ մոտ 15-17 հազար եւ Սպիտակում՝ 4 հազար մարդ:

Ավերիչ երկրաշարժի հետեւանքով ավերվեց Հայաստանի ամբողջ բնակ-ֆոնդի 17 տոկոսը, դադարեց գործել 100-ից ավելի արդյունաբերական ձեռ-

նարկություն, մեծ վնաս հասավ նաեւ ճարտարապետական, պատմական, արվեստի հուշարձաններին:

Հայաստանին համակողմանի օգնություն ցույց տվեցին աշխարհի ավելի քան 113 երկրներ եւ 7 միջազգային կազմակերպություններ: Օգնության ձեռք մեկնողների թվում առաջինը Վրաստանն էր ու վրաց ժողովուրդը:

Երկրաշարժի առաջին ժամերից Հայաստանի կողքին էր Սփյուռքը:

ԱՆՃԱՅՎԵՑ ԱՆՎՏԱՆՈՒԹՅԱՆ ԽՈՐՀՐԴԻ ՆԻՍՏ

Դեկտեմբերի 6-ին Հայաստանի վարչապետ Նիկոլ Փաշինյանի գլխավորությամբ անկապվեց Անվտանգության խորհրդի նիստ: Բացի Անվտանգության խորհրդի անդամներից, նիստին մասնակցեցին նաեւ Ազգային ժողովի նախագահ Ալեն Սիմոնյանը, Հայաստանի վարչապետի աշխատակազմի ղեկավար Արայիկ Հարությունյանը, Աժ փոխնախագահ Ռուբեն Ռուբինյանը, Աժ «Քաղաքացիական պայմանագիր» խմբակցության ղեկավար Հայկ Կոնջոբյանը, Աժ արտաքին հարաբերությունների մշտական հանձնաժողովի նախագահ Էդուարդ Աղաջանյանը, Պաշտպանության եւ անվտանգության հարցերի մշտական հանձնաժողովի նախագահ Անդրանիկ Քոչարյանը:

ԱՄՓՈԹՎԵՑ «100 ՉԱՐԱՊԱՐ ՀԱՅԱՍՏԱՆԻ ՀԱՄԱՐ» ՄՐՈՒՄԵՐԸ

Դեկտեմբերի 7-ին կայացավ «100 զաղափար Հայաստանի համար» նոր նախագծերի եւ գիտադեմոստրացիայի մշակումների հանրապետական երիտասարդական մրցույթի հաղթողների պարգևատրման արարողությունը:

«100 զաղափար Հայաստանի համար» մրցույթն անցկացվում է երիտասարդների նորարարական մտածողությունը զարգացնելու, Հայաստանի սոցիալ-տնտեսական զարգացման խնդիրների լուծման գործընթացներում երիտասարդներին ներգրավելու, գիտադեմոստրացիայի մշակումներ եւ նոր նախագծեր իրականացնելու քաղաքացիական նախաձեռնությունների խթանման նպատակով:

Մրցույթին բոլոր 20 անվանակարգերից ներկայացվել է 137 հայտ: Հաղթող է ճանաչվել 5 հայտ, որոնցից յուրաքանչյուրն արժանացել է 500.000-ական դրամի:

ՎԱՆՈ ՍԻՐԱՊԵՏՅԱՆԻ ՀՈՐԱՐԱՊԱՐԱՐՈՒՄԵՐԻ ԻՐ ՀԱՐԱՋՍ ԳՅՈՒՂՈՒՄ

Ինչպես արդեն հաղորդել ենք, կյանքի 75-րդ տարում վախճանվել է գրող, հրապարակախոս, պետական, քաղաքական գործիչ Վանո Սիրադեղյանը:

Դեկտեմբերի 3-ին Երեւանի Ալեքսանդր Սպենդիարյանի անվան օպերայի եւ բալետի ազգային ակադեմիական թատրոնում անցկացվեց Վանո Սիրադեղյանի հոգեհանգստի արարողությունը, որին մասնակցեցին Հայաստանի վարչապետ Նիկոլ Փաշինյանը, պետական, քաղաքական մշակութային գործիչներ, Սիրադեղյանի ընկերները, հարազատները եւ նրան համակողմ քաղաքացիները:

Հաջորդ օրը, դեկտեմբերի 4-ին, Վանո Սիրադեղյանի հայրենի Կոթի գյուղում կայացավ հուղարկավորության արարողությունը:

Նշենք, որ Կոթի գյուղում է ծնվել վիրահայ ճանաչված գրող, «Վրաստան» թերթի մշակույթի բաժնի բազմամյա վարիչ Բենիկ Սեյրանյանը (1913-2003):



հանդես եկավ ԱՄՆ նախագահ Ջո Բայդենը, որից հետո մեկնարկեցին պանելային քննարկումները:

Հայաստանի վարչապետ Նիկոլ Փաշինյանը մասնակցում է ԱՄՆ նախագահ Ջո Բայդենի նախաձեռնությամբ առցանց անցկացվող «Հանուն ժողովրդավարության» համաժողովին:

Երկօրյա միջոցառմանը մասնակցում են ավելի քան հարյուր երկրի առաջնորդներ եւ ներկայացուցիչներ:

Համաժողովի բացմանը ելույթով հանդես եկավ

Համաժողովին մասնակցում են նաեւ հասարակական կազմակերպությունների, մասնավոր հատվածի ներկայացուցիչներ:

Երկօրյա քննարկումների օրակարգում են ժողովրդավարության դեմ սպառնալիքներին դիմագրավելու, կոռուպցիայի դեմ պայքարին ու մարդու իրավունքների պաշտպանությանը վերաբերող հարցեր:

Վարչապետ Նիկոլ Փաշինյանի ելույթը՝ «Հանուն ժողովրդավարության» համաժողովին տեղի կունենա դեկտեմբերի 10-ի Երեւանի ժամանակով ուշ երեկոյան:



Հայաստանի նախագահը եւ Քատարի էմիրն անդրադարձան նաեւ տարածաշրջանային հարցերի լայն շրջանակի:

ՀԱՅԱՍՏԱՆԻ ՆԱԽԱԳԱՐԻ ԱՇԽԱՏԱՆՔԱՅԻՆ ԱՅՑԸ ՔԱՏԱՐԻ ՄԱՅՐԱՔԱՂԱՔ ԴՈՐԱ

Դեկտեմբերի 9-ին Հայաստանի նախագահ Արմեն Սարգսյանը աշխատանքային այցով գտնվում էր Քատարում:

Այցի շրջանակներում Հայաստանի նախագահը Դոհայում հանդիպում ունեցավ Քատարի պետության Էմիր, շեյխ Թամիմ Բին Համադ Ալ Թանիի հետ:

Հանդիպմանը կողմերն անդրադարձան երկու երկրների միջեւ հարաբերությունների զարգացման հեռանկարներին եւ տարածաշրջանային հարցերին: Նշվեց, որ երկու երկրները կարող են

առաջ մղել իրենց հարաբերությունները հատկապես տեղեկատվական տեխնոլոգիաների, գիտակրթական նորարարության, ֆինանսաբանական, զբոսաշրջության, կլիմայական փոփոխությունների ոլորտներում:

Հանդիպմանը խոսվեց նաեւ «Պարտքի նպաստ կլիմայի» ծրագրի շրջանակում համագործակցության մասին:

ԸՆԴՈՒՆՎԵՑ 2022 ԹՎԱԿԱՆԻ ՊԵՏԲՅՈՒՋԵԻ ՆԱԽԱԳԻԾԸ

Դեկտեմբերի 9-ին Հայաստանի ազգային ժողովն ընդունեց 2022 թվականի պետական բյուջեի մասին օրենքի նախագիծը:

Քվեարկությամբ օրենքի նախագիծը ստացավ 61 կողմ, 19 դեմ, 1 ձեռնպահ ձայներ, ծրարներով կողմ քվեարկություններ էր թողել նաեւ ՔՊ-ի 4 պատգամավոր:

Նիստին ներկա ընդդիմադիր պատգամավորները դեմ

էին քվեարկել, «Պատիվ ունենալ»-ից Իշխան Ջաքարյանը՝ ձեռնպահ:

Պետբյուջեի նախագծով կանխատեսվում է, որ 2022 թվականին կգրանցվի 7 տոկոս տնտեսական աճ: Նախագծում կատարվել էին

որոշակի փոփոխություններ, օրինակ՝ բյուջեի եկամուտների գծով զուտ ավելացումները կազմել են 1 մլրդ 548.3 մլն դրամ, այլ եկամուտները՝ ավելի են 42.8 մլրդ դրամով: Փոփոխությունների արդյունքում պետբյուջե ծախսերը զուտ արժեքով նվազել են 5 մլրդ 187.9 մլն դրամով: Բյուջեի եկամուտների եւ ծախսերի թվարկված փո-

փոխությունների արդյունքում պետբյուջեի դեֆիցիտը նվազել է 6 մլրդ 736.3 մլն դրամի չափով:

Նախագծով նախատեսվում է, որ 2020-ին արձանագրված ՀՆԱ-ի նկատմամբ 63.5 տոկոս մակադրակից պարտքի հետետողական նվազեցման արդյունքում 2022-ի ավարտին այն կգտնվի ՀՆԱ-ի 60.2 մակարդակին մոտ:

ՀԱՅԱՍՏԱՆԸ ԿՄԱՍՆԱԿՑԻ «3+3» ԶԵՎԱԶԱՓԻ ՀԱՆԴԻՊՄԱՆԸ

Հայաստանը «3+3» բանակցային ձեւաչափով կարող է հետաքրքրված լինել, եթե պարզվի, որ այդ հարթակում չեն քննարկվելու այնպիսի հարցեր, որոնց քննարկման վերաբերյալ Հայաստանը ներգրավված է այլ ձեւաչափերում:

Դեկտեմբերի 8-ին կառավարությանը ուղղված հարց ու պատասխանի ժամանակ այս մասին հայտարարեց Հայաստանի վարչապետ Նիկոլ Փաշինյանը եւ հավելեց, որ այս հարցը քննարկել են ՌԴ գործընկերների հետ ու կա

ազդակ, որ իրենք էլ կհստակ են հայկական կողմի տեսակետը:

«Առաջիկա օրերին, նախնական միստի մեծ հանդիպում է տեղի ունենալու, որին Հայաստանը մասնակցելու է ԱԳ նախարարի տեղակալի մակարդակով,

որովհետեւ այդ ֆորմատով է տեղի ունենալու այդ նախահանդիպումը, որտեղ կքննարկվեն հետագա անելիքները: Շարունակությունն՝ ըստ այդ քննարկման արդյունքների»,-ասաց Փաշինյանը:

«Վեց երկրների հարթակի» կամ այլ կերպ ասած՝ «3+3» (Ռուսաստան, Իրան, Թուրքիա, Հայաստան, Ադրբեջան, Վրաստան) ձեւաչափի ստեղծելու գաղափարը 2020 թ. վերջին առաջարկել է Թուրքիան:

ՀԱՅԱՍՏԱՆԻ ԿԳՄ ՆԱԽԱՐԱՐ. «ՄԵՊՏԵՄԲԵՐԻՑ ՀԱՅԱՍՏԱՆՈՒՄ ԿՐԱՍՎԱՆԴԻ ՆԱԵՎ ՎՐԱՅԵՐԵՆ»

Դեկտեմբերի 9-ին Հայաստանի Ազգային ժողովում կառավարության անդամների հարցուպատասխանի շրջանակներում, կրթության, գիտության, մշակույթի եւ սպորտի (ԿԳՄՍ) նախարար Վահրամ Դումանյանը, պատասխանելով Աժ պատգամավոր Հիրակ Թորոսյանի հարցին, հայտարարեց, որ Հայաստանում մշակվում է Վրաստանում հայոց լեզվի ուսուցիչների ատեստավորման համար նախատեսված հարցաշարը: Միաժամանակ, ակնկալվում է, որ Հայաստանում վրաց լեզու կուսուցանվի:

- Մեր ենթակայության տակ գտնվող Գնահատման եւ թեստավորման ազգային կենտրոնն արդեն ձեռնամուխ է եղել «Հայոց լեզու եւ գրականություն» առարկայի ուսուցիչների 100 հարցանոց հարցաշարի մշակմանը: Եվ այն պատրաստ կլինի երեք ամսվա ընթացքում,- հայտարարեց Վահրամ Դումանյանը եւ հավելեց, որ Հայաստանում մշակում են վրաց

լեզվի չափորոշիչներ ու ծրագրեր, եւ ակնկալվում է, որ սեպտեմբերից Հայաստանում վրացերեն կդասավանդվի:

Նշենք, որ Վրաստանում արդեն մի քանի տարի է՝ ընթանում է ուսուցիչների վերապատրաստման ծրագիրը, ըստ որի, առարկայական եւ մասնագիտական հմտություններ հաղթահարած ուսուցիչները ստանում են կո-

չում հետեւաբար նաեւ բարձր աշխատավարձ: Այս ամենից, սակայն, զրկված են էթնիկ փոքրամասնության ներկայացուցիչների «Մայրենի լեզու եւ գրականություն» առարկաների ուսուցիչները:

Հատկանշական է նաեւ այն, որ վերջին ժամանակներում կարծես ուրվագծվեց Վրաստանում հայերենի ուսուցիչների համար քննություն սահմանելու մասին խնդրի լուծումը: Մասնավորապես, Վրաստանի եւ Հայաստանի կրթական ոլորտի ներկայացուցիչները հուշագիր ստորագրեցին, ըստ որի, վրաստանյան ներկայացուցիչները կկազմակերպեն որակավորման քննություններ հայերենի ուսուցիչների համար՝ հայաստանյան գործընկերների օգնությամբ:

ԵԿԵՂԵՑԱԿԱՆ

12.12.2021 Բարեկենդան Սուրբ Հակոբի պահքի

ԴԵԿՏԵՄԲԵՐ

Հաբաթապատերին նախորդող շաբաթ օրը:

Բարեկենդան Սբ. Հակոբի պահքի տոնը նշվում է դեկտեմբեր ամսվա առաջին կիրակիներից մեկի ժամանակ: Բարեկենդան (բառացի՝ բարի կենդանություն, ուրախություն), գլխավոր

14.12.2021 Սուրբ Կոռնելիոս հարյուրապետի եւ Շմավոնի՝ Քրիստոսի ազգականի, որ խաչվեց Երուսաղեմում, եւ Ջնյունիայի Պողիկարպոս Հայրապետի եւ արեւելքի սուրբ վկաների

ՄՊՈՐՏ

ՖՈՒՏԲՈԼ. ԲԱԹՈՒՄԻ «ԴԻՆԱՍՈՆ» ԱՌԱՋԻՆ ԱՆԳԱՄ ԴԱՐՁԱՎ ՎՐԱՍՏԱՆԻ ՉԵՄՊԻՈՆ

Եզրագիծը հատեց Վրաստանի ֆուտբոլի առաջնությունը: Նորանկախ Վրաստանի ֆուտբոլի պատմության մեջ առաջին անգամ երկրի ուժեղագույն ֆուտբոլային ակումբի կոչումը նվաճեց Բաթումիի «Դինամոն»:

Վրաստանի բազմամյա չեմպիոն Թբիլիսիի «Դինամոն» արժանացավ արծաթե մեդալի, բրոնզը բաժին ընկավ Գորիի «Դիլա»-ին:

ՆՈՐ ՎԱՐԿԱՆԻՇՈՒՄ ՎՐԱՍՏԱՆԸ՝ 86, ԻՍՎ ՀԱՅԱՍՏԱՆԸ՝ 92-ՐԴ ՏԵՂՈՒՄ

Ֆուտբոլի միջազգային ֆեդերացիան (ՖԻՖԱ) հրապարակեց ազգային հավաքականների վարկանիշային մոդ աղյուսակը: Ըստ մոդ դասակարգման Վրաստանի հավաքականն առաջադիմել է եւ ներկայումս զբաղեցնում է 86-րդ հորիզոնականը: Հայաստանի հավաքականը, ընդհանրապես, նահանջել է եւ մոդ աղյուսակում 92-րդն է:

Աղյուսակի առաջին հորիզոնականը զբաղեցնում է աշխարհի գործող բրոնզե մեդալակիր Բելգիան: Նրան հաջորդում են Բրազիլիան, Ֆրանսիան, Անգլիան եւ Արգենտինան:

ՇԱՆՄԱՍԻ ԱՇԽԱՐՀԻ ՉԵՄՊԻՈՆԻ ՏԻՏՂՈՍԻ ՀԱՄԱՐ ՄՐՑԱՆԱԴՐՈՒՄ ՆՈՐՎԵՐԱՅԻ ՄԱԳՆՈՒՄ ՎԱՐԼՍԵՆԸ 3 ՄԻԱՎՈՐՈՎ ԳԵՐԱՋԱՆՑՈՒՄ Է ՈՒՄ 3ԱՆ ՆԵՊՈՒՆՅԱՇՉԻՒՆ

Դուբայում անց է կացվում շախմատի աշխարհի չեմպիոնությունը մրցախաղը՝ աշխարհի գործող չեմպիոն Նորվեգացի Մագնուս Կարլսենի եւ չեմպիոնի հավակնորդ ռուս Յան Նեպոմյաշչի միջև:

Խաղարկված 10 պարտիաներից հետո մրցախաղի 6,5:3,5 միավորով առջեւում Մագնուս Կարլսենն է:

Հիշեցնենք, որ շախմատի աշխարհի չեմպիոնի տիտղոսի համար մրցախաղը մեկնարկեց նոյեմբերի 26-ին: Այն բաղկացած է 14 դասական պարտիայից: Ով առաջինը կվաստակի 7,5 միավոր, կդառնա աշխարհի չեմպիոն: Մրցախաղը կեզրափակվի դեկտեմբերի 15-ին: Հաղթողը կստանա 2 միլիոն եվրո:

		1		2		3		4		5		6
7								8				
						9						
10	11		12					13	14		15	
					16		17		18			
19		20		21								
	22						23	24		25		26
						27		28				
29	30		31			32						
	33							34	35		36	
					37		38					
39		40							41	42		43
				44		45			46			
47	48					49						
	50		51						52		53	
54						55					56	
			57						58			

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ՎՐԱՍՏԱՆՈՒՄ ՄՏԱՅԱԾ ՎԱՐՈՐԴԱԿԱՆ ԻՐԱՎՈՒՆՔԸ ՀՆԱՐԱՎՈՐ ԿԼԻՆԻ ՕԳՏԱԳՈՐԾԵԼ ՆԱԵՎ ԵՎՐՈՊԱԿԱՆ ԵՐԿՐՆԵՐՈՒՄ

Վրաստանի արտաքին գործերի փոխնախարար Վլադիմիր Կոնստանտինիդու հայտարարությամբ, Վրաստանում օրենսդրությունը փոխվել է եւ վարորդական իրավունքի քննություն հանձնելու կանոնները համապատասխանեցվել են եվրոպական չափանիշներին, ինչը թույլ կտա մոտ ապագայում Վրաստանում ստացած վարորդական իրավունքը օգտագործել նաեւ եվրոպական երկրներում:

- Արտասահմանում, հատկապես եվրոպական երկրներում, մեր քաղաքացիների թիվը բավական մեծ է՝ տարբեր կարգավիճակներով, տարբեր նպատակներով: Հեշտ չէ, նույնիսկ ամենագարգացած երկրում մարդիկ հարմարվեն, իրենց տեղը գտնեն, աշխատանք ստանան, կարիքները շատ են: Օրինակ՝ Իտալիայում եւ Իսպանիայում մեր հանդիպումների ժամանակ պարզվեց, որ սփյուռքի ներկայացուցիչները մեզանից օգնություն են խնդրել, օրինակ՝ ճանաչելու վարորդական վկայականները, որի ուղղությամբ վրա

մենք ակտիվորեն աշխատում ենք, եւ արդյունքում մեր հայրենակիցներից շատերը մոտ ապագայում կօգտվեն վրացական վարորդական իրավունքից: Մենք գիտենք, որ Վրաստանում քննություն հանձնելու կանոնները փոխվել են եւ համապատասխանեցվել եվրոպական չափանիշներին: Նման գործնական կարիքները շատ են, եւ մենք դրանք հաշվի ենք առնում,- ասել է փոխարտգործնախարարը:

ՄՈՊԵԴՆԵՐԻ ԵՎ ԹԵԹԵՎ ԿՎԱԴՐՈՑԻԿԼԵՏՆԵՐԻ ԳՐԱՆՑՄԱՆ ՀՆԱՐԱՎՈՐՈՒԹՅՈՒՆ

Վրաստանի ներքին գործերի նախարարության տարածած հաղորդագրությամբ համաձայն, Վրաստանում դեկտեմբերի 6-ից հնարավոր է «AM» կատեգորիայի տրանսպորտային միջոցների գրանցումը եւ վարորդական իրավունքի վկայական ստանալը:

«AM» ենթակարգը միավորում է մոպեդները եւ թեթեւ կվադրոցիկլետները:

Ներկայում այդ տրանսպորտային միջոցների գրանցումն ու վարելու իրավունք ստանալը կամավոր է, սակայն 2022 թվականի մարտի 28-ից այս ընթացակարգը կդառնա պարտադիր:

«AM» կարգի տրանսպորտային միջոցներ վարելու իրավունք ստանալու տարիքային շեմ է սահմանվել 16 տարեկանը: Մոպեդներ եւ թեթեւ կվադրոցիկլետներ վարելու իրավունք ստանալու համար անհրաժեշտ է անցնել մի-

այն տեսակա՞ն թեստ: Առաջին անգամ տեսական քննության ընդունելության ժամանակ շահագրգիռ անձինք ամբողջությամբ ազատվում են ընդունելության քննության վճարից:

«AM» կատեգորիայի տրանսպորտային միջոց վարելու իրավունքի տեսական թեստը հնարավոր է հանձնել առանց ամրագրելու»,- պարզաբանված է ՆԳՆ հաղորդագրության մեջ:

Ըստ նախարարության, ցանկացած կատեգորիայի (ենթա-



կարգ) միջոց վարելու իրավունք ունեցող անձը ավտոմատ կերպով իրավունք ունի վարել «AM» կարգի տրանսպորտային միջոց: ՆԳՆ-ի տվյալներով՝ մինչեւ 2022 թվականի փետրվարի 26-ը «AM» կատեգորիայի տրանսպորտային միջոցների գրանցման համար օրենքով սահմանված վճարը կնվազի:

ԱՆՆԱ ՍԱՐԻԲԵԿՅԱՆ

Խ Ա Չ Բ Ա Ռ

ՀՈՐԻԶՈՆԱԿԱՆ. 7.Ակներեւ: 8.Ֆրանսիացի երգչուհի ... Սաթյո: 9.«Ստատուս ...»: 10.Տղամարդու անուն, որը հին հունարենից թարգմանած նշանակում է լեռնային ապար: 13.Շոկոլադե «բաղդր զույգը»: 18.Վեր կացե՛ք: 19.Բալկանյան պետության բնակիչ: 22.Թղթախաղի խաղաթուղթ: 23.Ամերիկացի դերասանուհի ... Փելթրոու: 28.Մանուկ, փոքրիկ: 29.Ծագումով հրեա, գերմանացի բանաստեղծ Հայնրիխ ...: 32.Հայկական ծագումով ամերիկյան երգչուհի եւ դերասանուհի: 33.Կաթնատու կենդանիների ստիքներից կաթ քաշել: 34.Խռովություն: 37.Սկանդինավյան դիցաբանությունում բարի օդային ոգի: 39.Հունական ֆուտբոլային ակումբ: 41.Համեն: 44.Սար: 46.Այն ժամանակվանից (արեւմտ): 47.Մաս, բաժին: 49.Ափերով չըջափակված բնական կամ արհեստական ջրավազան: 50.Անտիկ տաճար: 52.Ֆիզիկական երեւույթ, որ ալիքների մեխանիկական տատանումների տեսքով տարածվում է միջավայրում: 54.Երկանդամ: 55.Քաղաք Իտալիայում: 56.«... ու ձեռքից ընկնել»: 57.Ֆրանսիացի կոմպոզիտոր, իմպրեսիոնիստ ... Ռավել: 58.Հայտնի կինոնկար «Դավադրության տեսություն»:

ՈՐԴՆԱԶՆՅԱՆ. 1.Ամսաթիվ՝ «Սպիդ...»: 2.Թափախ, ժահիր: 3.... կանգնել (վեր կենալ): 4.Բացա-

սական երանգավորում ունեցող զգացում: 5.Քաղաք Իրաքում: 6.Հյուս, ծամ: 11.Ռուս գիտնական-աշխարհագրագետ ... Շոկալսկի: 12.Լեռներ Ասիայում ...-Հան: 14.Մուսուլմանական պետություններում բարձրաստիճան պաշտոնյաների տիտղոս: 15.Հոգեհաց (ժող.): 16.Առաջին անհրաժեշտության սննդամթերք: 17.Սաղմոնների ընտանիքի ձուկ: 20.Հատկություն, բնորոշ որակ: 21.Դինամիտի գյուտարարը: 24.Ռուսական էստրադային խումբ «Ռուկի ...»: 25.Ֆրանսիացի ֆուտբոլիստ Լոիկ...: 26.Ավտոմեքենայի մաս: 27.Ուժ գործադրելով՝ մղելով առաջ տանել, հրել: 30.Լիճ Հայաստանում: 31.Գուռ, ակվարել: 35.Լատվիայի մայրաքաղաքը: 36.Բառի տողադարձվող մաս: 37.«Ջեյն ...»: 38.Մարդ, ով ուսումնասիրում է գիտություն, որը ուսումնասիրում է բնության հիմնարար օրենքները, փորձում է բացատրել դրանց տարբեր դրսեւորումները: 40.Արեւմտահայ գրող-երգիծաբան Երվանդ ...: 42.Վրացի հայտնի լրագրող ... Գրիգորիա: 43.Շահավետ: 44.Աթոսի ծառան: 45.Այլուրեքություն: 48.Արձակագիր ... Ավագյան: 51.Նավականուրջ: 52.Սեզ, ..., նրանց: 53.Ֆուտբոլի միջոցադրողի հայտնի մարզիչ Մարտին ...:

Կազմեց ԷԼԼԱ ՄՈՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊՍՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Օգոստոս: 5.Շահնամ: 9.Այսօր: 10.Սահեց: 11.Քվե: 13.Արյուն: 15.Անահ: 18.Մով: 19.Արջ: 20.Նանի: 21.Աշնա: 23.Իլյա: 25.Նու: 26.Սանա: 28.Ոնց: 30.Շատ: 32.Արար: 33.Որթ: 34.Արուս: 37.Վանանդ: 39.Բերք: 40.Թակարդ: 42.Տկլոր: 44.Աքսոր: 45.Սաստու: 48.Քորիձե: 51.Ստրուկ: 52.Լալ: 53.Ձերտ: 54.Օմար: 56.Այրարատ: 57.Նորիկ:

ՈՐԴՆԱԶՆՅԱՆ. 1.Օշական: 2.Որսկան: 3.Տորք: 4.Սոսե: 5.Շահումյան: 6.Հացավան: 7.Աղայան: 8.Եղինջ: 12.Վալիկ: 14.Ուրարտու: 16.Նազար: 22.Շուշանիկ: 24.Յոթվերք: 26.Սամիթ: 27.Նարեկ: 29.Ցանք: 31.Արդ: 35.Սպարտակ: 36.Սարգսյան: 38.Ար: 41.Այա: 42.Տրիստան: 43.Լաերտ: 44.Անձ: 45.Սալթա: 46.Աքլոր: 47.Տո: 49.Իրմա: 50.Եզր: 54.Օր: 55.Աս:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺՈՒՄՈՆՈ 0105, ՃԱՄԲԵՂՈՆ ՄՅՅԱ 5, Մեր հասցեն՝ Թբիլիսի 0105 Գ.Աթոնելի փ. 5 ԾՅԶ. Հեռ. 2990-739, 2990-774 www.vrastan.ge E-mail: vrastan.press@gmail.com Գրանցման վկայական № 4 Կ - 1439 «ԿՈՆՈՐ» հրատարակչություն

«ՅՐԱՆԻՅԱՆ» ՄԺՈՒՄՈՆ, ՆԱՅՅԵՄՅԵՄՈՒ «BPACTAH» Тбилиси, Грузия <VRASTAN> Georgia, Tbilisi Индекс 66445